



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

12.04.2023

212-tm-son

### **Talabalarga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet ichki tartib qoidalarini buzish holatlari kuzatilmoqda.

Xususan, 2023-yil 16-mart kuni Jinoiy odil sudlov fakulteti talabalarining Odob-axloq kodeksi qoidalariga rioya qilish holati o'rganilganda 3-kurs talabasi Yunusxonov Xusanxon Muzaffarxuja o'g'li garchi universitet Odob-axloq kodeksi bilan tanishtirilgan hamda universitet hududiga soqoli olinmagan va kiyinish talabiga rioya qilmagan holatda kelmasligi to'g'risida bir necha bor ogohlantirilgan bo'lsada, talaba X.Yunusxonov dars mashg'ulotlariga soqoli olinmagan va kiyinish talabiga rioya qilmagan holatda qatnab yurganligi aniqlandi.

Talaba X.Yunusxonov o'zining xatti-harakatlari bilan Toshkent davlat yuridik universiteti Odob-axloq kodeksining 11-moddasi oltinchi xatboshisi (xodimlar, talabalar va doktorantlarning tashqi qiyofasi va kiyimlari ozoda, pokiza bo'lishi lozim) hamda 16-moddasi sakkizinchi xatboshisi (tashqi ko'rinishga va belgilangan etiket qoidalariga zid ravishda sochlari o'sgan, to'zg'igan, soqoli olinmagan va kiyinish talabiga rioya qilmagan holda kelish)da ko'rsatib o'tilgan qoidalarini talablarini buzgan.

Shuningdek, 2023-yil 16-mart kungi o'tkazilgan o'rganish davomida 3-kurs talabasi Botirov Alisher Komiljon o'g'li garchi universitet Odob-axloq kodeksi bilan tanishtirilgan hamda universitet hududiga soqoli olinmagan holatda kelmasligi to'g'risida bir necha bor ogohlantirilgan bo'lsada, talaba A.Botirov dars mashg'ulotlariga soqoli olinmagan holatda qatnab yurganligi aniqlandi.

Talaba A.Botirov o'zining xatti-harakatlari bilan Toshkent davlat yuridik universiteti Odob-axloq kodeksining 16-moddasi sakkizinchi xatboshisi (tashqi ko'rinishga va belgilangan etiket qoidalariga zid ravishda sochlari o'sgan, to'zg'igan, soqoli olinmagan va kiyinish talabiga rioya qilmagan holda kelish)da ko'rsatib o'tilgan qoidalarini talablarini buzgan.

Bundan tashqari, 2023-yil 29-mart kuni Jinoyat huquqi, kriminologiya va korrupsiyaga qarshi kurashish kafedrası dotsenti R.Altiyev fakultet 2-kurs talabalariga Ma'muriy javobgarlik modulidan ma'ruza mashg'uloti o'tayotgan vaqtda talaba Raxmanov Shodlik Shuxrat o'g'li dars mashg'uloti vaqtida ma'ruzachining ruxsatisiz telefondan foydalanib o'tirgan. Mazkur holatda ma'ruzachi talaba Sh.Raxmanovni dars mashg'ulotidan chetlatgan. Shundan so'ng, ma'ruzachi R.Altiyev garchi talaba Sh.Raxmanovga ikkinchi soat dars mashg'ulotiga kirib o'tirishiga ruxsat bergan hamda talabalarga dars mashg'ulotida telefondan foydalanmaslik va o'zaro bir-birlari bilan gaplashmay o'tirishlari haqida ogohlantirgan bo'lsada, talabalar Raxmanov Shodlik Shuxrat o'g'li va To'rayev Shohruh Ro'zimovichlar o'zaro bir-birlari bilan gaplashib dars mashg'ulotiga xalaqit berib o'tirishgan. Shuningdek, ma'ruzachi mazkur talabalarga darsga xalaqit berayotganligi aytilib xonadan chiqib ketishlar talab qilinganida talabalar Sh.Raxmanov va Sh.To'rayevlar baland ovozda kulishib, boshqa talabalar oldida o'qituvchiga hurmatsizlik qilishib xonadan chiqib ketishgan.

Talaba Sh.Raxmanov o'zining xatti-harakatlari bilan Toshkent davlat yuridik universiteti Odob-axloq kodeksining 21-moddasi (dars mashg'ulotlari vaqtida uyali aloqa vositalaridan foydalanish barcha uchun qat'iy ta'qiqlanadi. Uyali aloqa vositalaridan foydalanishga zarur va uzrli holatlarda pedagog xodimning ruxsati bilangina ruxsat etilishi mumkin), 27-moddasi a bandi o'ninchi qismi (o'quv jarayonida faol, e'tiborli bo'lishga va pedagog xodimning ko'rsatmalariga qat'iy rioya qilish), 27-moddasi a bandi o'n birinchi qismi (dars vaqtida gaplashmaslik hamda dars mashg'ulotiga taaluqli bo'lmagan ishlar bilan shug'ullanmaslikka)da ko'rsatib o'tilgan qoidalarni buzgan. Talaba Sh.To'rayev o'zining xatti-harakatlari bilan Toshkent davlat yuridik universiteti Odob-axloq kodeksining 27-moddasi a bandi o'ninchi qismi (o'quv jarayonida faol, e'tiborli bo'lishga va pedagog xodimning ko'rsatmalariga qat'iy rioya qilish), 27-moddasi a bandi o'n birinchi qismi (dars vaqtida gaplashmaslik hamda dars mashg'ulotiga taaluqli bo'lmagan ishlar bilan shug'ullanmaslikka)da ko'rsatib o'tilgan qoidalarni buzgan.

Bundan tashqari, 2023-yil 31-mart kuni Sud, huquqni muhofaza qiluvchi organlar va advokatura kafedrası dotsent v.b. A.Matmurotov fakultet 3-kurs talabalariga Advokatura modulidan ma'ruza mashg'uloti o'tayotgan vaqtda talabalar Abdug'afforov Dalerbek Baxodir o'g'li, Xudoyqulov Ilyos G'ulomjon o'g'li dars mashg'uloti vaqtida ma'ruzachining ruxsatisiz telefondan foydalanib o'tirishgan. Shundan so'ng ma'ruzachi A.Matmurotov talabalar D.Abdug'afforov va I.Xudoyqulovlarni dars mashg'ulotidan chetlatib, boshqa talabalarga dars vaqtida belgilangan qoidalarga rioya qilishliklari, xususan, uyali aloqa vositalaridan foydalanmasliklari to'g'risida tushuntirganida talaba Ibroximov Ismoil Xurshidjon o'g'li "qarsaklar bo'lsin" deb boshqa talabalarni o'ziga qaratib, dars mashg'ulotiga xalaqit berib o'qituvchiga nisbatan hurmatsizlik qilgan.

Talabalar D.Abdug'afforov va I.Xudoyqulovlar o'zlarining xatti-harakatlari bilan Toshkent davlat yuridik universiteti Odob-axloq kodeksining 21-moddasi (dars mashg'ulotlari vaqtida uyali aloqa vositalaridan foydalanish barcha uchun qat'iy ta'qiqlanadi. Uyali aloqa vositalaridan foydalanishga zarur va uzrli

holatlarda pedagog xodimning ruxsati bilangina ruxsat etilishi mumkin), 27-moddasi a bandi o'ninchi qismi (o'quv jarayonida faol, e'tiborli bo'lishga va pedagog xodimning ko'rsatmalariga qat'iy rioya qilish) da ko'rsatib o'tilgan qoidalarni buzishgan.

Talaba I.Ibroximov o'zining xatti-harakatlari bilan Toshkent davlat yuridik universiteti Odob-axloq kodeksining 16-moddasi o'ninchi xatboshisi (o'quv mashg'ulotlariga, talabalarining osoyishtaligiga xalaqit beradigan xatti-harakatlar sodir etish), 26-moddasi ikkinchi qismi o'n to'rtinchi xatboshisi (xodim, talaba va doktorantning mehnat va o'quv jarayonidagi sa'y-harakatlariga qasddan ziyon yetkazmaslikka), 27-moddasi a bandi o'n birinchi qismi (dars vaqtida gaplashmaslik hamda dars mashg'ulotiga taaluqli bo'lmagan ishlar bilan shug'ullanmaslik)da ko'rsatib o'tilgan qoidalarni buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2021-yil 1-martdagi 08-44-son buyrug'i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda Jinoiy odil sudlov fakulteti dekani D.Kamalovanning bildirgisiga muvofiq,

## **B U Y U R A M A N:**

1. Universitetning Jinoiy odil sudlov fakulteti 3-kurs talabasi Yunusxonov Xusanxon Muzaffarxuja o'g'liga universitet Odob-axloq kodeksining 11-moddasi oltinchi xatboshisi, 16-moddasi sakkizinchi xatboshisi talablarini buzganligi uchun, 3-kurs talabasi Botirov Alisher Komiljon o'g'li universitet Odob-axloq kodeksining 16-moddasi sakkizinchi xatboshisi talablarini buzganligi uchun, 2-kurs talabasi Raxmanov Shodlik Shuxrat o'g'li universitet Odob-axloq kodeksining 21-moddasi, 27-moddasi a bandi o'ninchi qismi va o'n birinchi qismi talablarini buzganligi uchun, 2-kurs talabasi To'rayev Shohruh Ro'zimovich universitet Odob-axloq kodeksining 27-moddasi a bandi o'ninchi qismi va o'n birinchi qismi talablarini buzganligi uchun, 3-kurs talabasi Abdug'afforov Dalerbek Baxodir o'g'li, Xudoyqulov Ilyos G'ulomjon o'g'lilar universitet Odob-axloq kodeksining 21-moddasi, 27-moddasi a bandi o'ninchi qismi talablarini buzganligi uchun, 3-kurs talabasi Ibroximov Ismoil Xurshidjon o'g'li 16-moddasi o'ninchi xatboshisi, 26-moddasi ikkinchi qismi o'n to'rtinchi xatboshisi, 27-moddasi a bandi o'n birinchi qismi talablarini buzganligi uchun hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarining shaxsini sir saqlagan holda universitet talabalarini tanishtirsin.

3. Jinoiy odil sudlov fakulteti dekani (D.Kamalova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarining shaxsiy hujjatlar yig'majildiga buyruq nusxasi tikilishini

ta'minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

D.KAMALOVA

**Kelishildi:**

Direktor

SH.PO'LOTOV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Katta yuriskonsult

A.TURSUNOV

